



Publicaziuns dalla vischnaunca, jamna 39

Sera d'informaziun publica per la populaziun

«Mustér muenta - l'impurtonza dil turissem e dall'innovaziun»

Venderdis, ils 29 da settember 2023, 19.30 - 21.30 en la Claustra Mustér, Peter Kaiser Saal.

Program:

- Beinvegns ed introducziun; René Epp, president communal Mustér
- Salid e cuort messadi; Martin Candinas, president Cussegl naziunal
- Stan actual project Center Fontauna; Clemens Berther, vicepresidente communal Mustér
- cuorta informaziun project scola Segnas
- Informaziun project Solar Alpin Disentis; Representants IWB
- Informaziun project Ovra Solara Magriel; Representants Axpo
- Informaziun Sedrun Mustér Turissem; Silvio Schmid, president SMT e Informaziun projects ASS; menader ...projects Andermatt Sedrun Sport AG
- Presentaziun Vail Resorts, infos Epic-Pass; Mike Goar, Managing Director ASS, Ignaz Zopp, Head of Mountain Operations
- Informaziun ed agenda «Punt Pendent»; Christian Loretz, president la pendent. Svilup Pencilaras Mustér; Marcus Weber, president

Suenter l'occurrnza publica ha liug in aperitiv per la populaziun.

Cordialmein envida

Suprastonza communal Disentis/Mustér

Empustaziun da lenna da brisch – furniziun d'atun

Fin october succeda la proxima furniziun collectiva da lenna da brisch fendida. Tgi che vul aunc empustar lenna da brisch fendida e profitar dil prezi da furniziun pauschal sa far quei cun squitschar ora il formular d'empustaziun sut www.disentis.ch/uaul e returnar tal en scret ni per e-mail agl uffeci forestal dalla vischnaunca da Mustér uaul@disentis.ch ni en scret alla administraziun communal

Uffeci forestal Disentis/Mustér

Publicaziun uffiziala pils transports da neiv tecnica per la loipa Cadi

La cuminonza da maschinas forestalas Cadi (CMF Cadi) ha l'incumbensa d'organisar il menaschi e manteniment dalla loipa Cadi (Trun – Mustér). Per l'ennevaziun tecnica dils tschancuns Trun – Surrein ed a Mustér/Fontanivas vegn menau atras ina submissiun pils transports da neiv (camiuns ni tracturs). Pils tschancuns sin terren agricol vegn preferiu la varianta da tractur cun maschina da metter grascha. Ils documents d'offerir san vegnir retratgs per e-mail tier l'administraziun communal da Mustér cun s'annunziar sut admin@disentis.ch.

Per sclarir damondas ha liug ils 5 d'october 2023 allas 14.00 in'orientaziun el plaunterren dalla casa communal a Mustér.

Cuminonza da maschinas forestalas Cadi



Scaldaments mobils el liber

Bulius da scaldar, radiaturs, radiaturs d'infratgietschen etc.

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il Departament da construcziun, traffic e selvicultura dil Grischun relaschau suandonta disposiziun: Per mintga apparat da scaldar mobil - gas, electricitad ed ieli - che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau treis tonnas CO₂ e.a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun duront la perioda da scaldar respectiva

La cumpensaziun dall'immissiun da CO₂ succeda entras il possessur ni entras la vischnaunca.

Sch'ils possessurs cumpenseschan sezs l'immissiun da CO₂, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p.ex. myclimate). Per apparats da scaldar electrics sa l'obligaziun da cumpensar l'immissiun da CO₂ era vegnir ademplida, sch'ei vegn applicau

– per mintga tonna CO₂

che sto vegnir cumpensada – cumprovadamein 4'500 kWh d'electricitad ch'ei vegnida producida cun energias regenerablas

Sch'ils possessurs cumpenseschan buca sezs l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada.

Il prezi per vignetta importa frs. 60.--.

Las vischnauncas impundan igl entir recav dalla vendita da vignettas per cumpensar l'immissiun da CO₂.

Igl uffeci d'energia e traffic metta a disposiziun in agid d'execuziun per las vischnauncas.

Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun

communala. *Administraziun communala*



Controlla da habitonts

Mortori

Marianna Vincenz-Spescha, naschida ils 22 d'october 1952, morta ils 19 da settember 2023

Naschientscha

Duarte Faria Castro, naschius ils 21 da settember 2023, fegl da Francisca Manuela Araujo Faria e Gabriel Jose Lopes Castro

Administraziun communal Disentis/Mustér

Taxa da cumpensaziun da pumpiers 2023

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschientscha e finescha alla fin digl onn ch'ins ha cumplenu il 45avel onn da naschientscha. Tgi che presta buca survetsch activ ha da pagar ina taxa da cumpensaziun.

Tenor art. 15 dalla lescha da pumpiers dalla vischnaunca da Mustér ein student(a)s ed emprendist(a)s entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata.

Nus fagein attents student(a)s ed emprendist(a)s sur 21 onns d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard **mardis, ils 3 d'october 2023** all'administraziun communal, caum postal 57, 7180 Disentis/Mustér ni per e-mail (rgenelin@disentis.ch).

Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

Administraziun communal

Rimnada da pupi

Venderdis, ils 6-10-2023

Preziadas convischinas, prezias convischins. La rimnada da pupi d'october ha liug sco usitau. Adatg! Ei vegn mo rimnau gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziell. Nus rimnein buca cartun. Quel sa vegnir deponius a Raveras igl entir onn ora e buca durent la rimnada.

Bien engraziament per Vies agid e sustegn!

Nossa Scola populara Mustér, Ch. Berger



Biblioteca populara Disentis/Mustér e contuorn

Preavis: Mesjamna, ils 25 d'october 2023 allas 19.30 prelegia Guido I. Tomaschett ord siu roman «Cavardiras».

Invitaziun SENIORA-CA

Gievgia, ils 5 d'october 2023 allas 13.30 ell'ustria Péz Ault ad Acletta

Pusseivladad da gentar allas 12:00 uras ell'ustria Péz Ault cun menu dil di (3 tratgas) per prezi favoreivel. Naven dallas 13:30 uras dar cartas, giugs ed ina sorpresa.

Bus local: partenza naven dil centrum vitg allas 11:26 uras - Utoring (transport naven da leu pusseivel entochen ustria Péz Ault.)

Annunzia tochen mardis, ils 3 d'october 2023 allas 17:00 uras a PUNTREIS sut 081 929 56 56.

Cordial beinvegni

Team SENIORA-CA
